

UBIERIKPE EMI EKENODE OWO

Genesis 6:1-13

OYOHQ UKPEP-NKPQ 5

Eke Mkparawa

IKQ IBUOT: “Spirit mi idiñwanake ye owo ke nsinsi” (Genesis 6:3).

Mbon Ufok Noah

Okposuk edi nte ererimbot ekedide kaña nsek, mme owo ema etot eti-eti ke ison ke ini Noah akamanade. Etiñ ñkpọ esisit ke Ñwed Abasi ebaña Lamech, ete Noah. Ke abaña ete-ete esie Methuselah, nnyin imokut nte ke enye ama osim isua 969. Ke emana efen ke edem edem, nnyin ikpep ibaña ete ete-ete Noah. Enye ekedi Enoch, owo emi “enem Abasi esit” (Mme Hebrew 11:5), “asaña ye Abasi” (Genesis 5:22), emi ekemende edok ke enyofñ ikonyuñ itabike mkpa.

Nnyin ikopke ñkpọ ibaña ubok utom Enoch, mme nte enye okodude uwem. Nnyin imotim ifiok ite enye ama anam okposon utom, enyene nduok-odudu, ye idaresit, ye mfuhq. Nnyin iyikke ite ke enye ama anam mme ñkpọ emi mmq eken ekenamde ke ini oro: ekeme ndidi enye okoduñ ke ufok-ofon, onyuñ akama ufok esie nte eti ete anamde. Uwem owo kiet-kiet etie ukem-ukem, edi akpan ñkpọ edi owo ndisaña “ye Abasi.”

Usen kiet, Enoch osop idaha kiet, owo ikwe enye; ama odu do ke ekpri ini emi ekebede, idahemi enye onyofñ! Abasi, emi Enoch akasañade ye Enye, ama anyan ubok Esie emen enye onq Idemesie. Edi akpanikq ete ke Noah ama okop ete ke ema emen Enoch ete ete-ete esie ye uwem, edok, ndien ke ufot idiok-ñkpọ emi okodude ke eyo Noah, enye ñko ama “asaña ye Abasi” (Genesis 6:9).

Ata Uyai

Nte ini akade iso, “nditq-iren Abasi” ema ekut nte “nditq iban owo” eyede, emi owutde ete ke mmq ekese uyai ikpohidem ekan ndise ido mmq.

“Koro owo esede enyin, edi Jehovah ese esit” (1 Samuel 16:7). Ata uyai otuñq akan se enyin amade. Man ekeme ndifiok owo emi eyede ata uyai, enyene ndikpep mfiok se owo oro edide; ndiye ofonidem ikemeke ndidip esit anam-idiok; ediyet ndom ikemeke ndifuk mme ndo idiok-ñkpọ, ke akpanikq akam ododiñ osio idiok-ñkpọ oro owut; enyofñ-enyofñ ndiñq idem ikemeke ndifuk se inanade ke esit idem.

Ke ini “nditq-iren Abasi” ekecutde uyai nditq iban owo, mmq ikatuakke ida ikere ite ke mme okpono ndem emi eyekabare ekpep nditq mmq ido ukpono ndem, utu ke ndikpep eti usuñ ndikpono ata Abasi. Eka emi abakde Abasi edi ata akwa enq emi Abasi onode eyen-owofñ ke ufok eke enye amanade; mme ete ñko emi ebakde Abasi edi ñkpọ uñwam enq nditq mmq. Edi, eka kpukpru ini edi anditunq nnyuñ ññwam eyen ndinyene nti edu uwem ke ini enye edide kaña ata ekpri.

Edimek Mme Nsaña

Abasi amama edisana ido ye edisana uwem. Enye oyom ikot Esie edianare ekpon ererimbot “ekubq idem utiñe-utiñe ye mmq eke minimke ke akpanikq” (2 Ñwed Corinth 6:14). Ekeme nditiñ emi mbaña mkparawa emi edude ke Gospel ke mmq ndidian idem ye mme anam idiok. “Idiok nsaña ababat eti ido” (1 Ñwed Corinth 15:33). Ndisuk ini akparawa ananam ekikere ndidq owo emi mibhq erinyaña. Owo Abasi ndidq owo emi mifiokke Abasi ikemke ye ikq Abasi, ndien afanikq ye ukut, utu ke inemesit, ebet mmq eke etutde utqñ ke Ikq Abasi.

Edieke mkparawa iren ye iban enamde ufan ye mkparawa efen ke ufok Abasi emi ebode ata erinyaña, mmq ekeme ndikop inem ke mme ufan oro enyuñ etre ndiduk ke afanikq. Edieke mmq emekde ndibuaha ye mmq eke mibhq erinyaña, oro ekpedi ye ekikere ndida mmq nq Christ.

Mme anie edi ufan fo? Nte afo oyom ndiduk nduk ye mmq emi esinede ndiye ofon-idem ikpon-ikpon? Nte afo emek ndibuaha ye mkparawa iren ye iban emi eduñde ke ndiye ufok, emi ete mmq ewatde ke ndiye ubom-

isọń? Mme nte afo oyom mme ufan emi etińde Ikọ Abasi, emi udọń mmọ onyuuń edide ndinam nkọ nno Abasi? Nte mme ufan fo edi mme andisine “ediye linen eke asanade onyuuń esemde,” edinen ido nti ikọt Abasi onyuuń enyenede ata uyai eke ukpọń?

“Idiok Kpukpru Ini”

Nnyin ikot ite, nte mme owo eketọtde ke isọń kpasuk ntre ke idiok-nkọ ọkọtọt. Etie nte mme ikọ obio esiwak ndidi ebiet emi ekutde idiok-nkọ ye ibak. Ke ini mme owo efrede Abasi enyuuń enamde mme idiok odunam, enyin Abasi owuk ese mmọ, enye ke onyuuń osuk esese ererimbot kpa nte Enye ekeseke ke eyo Noah. Esit mme owo ema ediok eti-eti, kpukpru se ibañade mmọ ọkọyọhọ ye idiok, mme ekikere ye mme udọń esit mmọ ema ediok, idighe ke ndusuk ini, edi “kpukpru ini.” Esit Abasi ama ọfuhọ abañ nte ererimbot eketiede, Enye onyuuń ọfiok ete ke idiok-nkọ eyeka iso ọtọt, ke ntre Enye ama okut ete ke se ifonde ikan ndinam edi ndisọhi ofuri idiok owo mfep nnyuuń nno ererimbot ifet efen nditọń nte enende. Enye ọkọdọhọ ete: “Nyesọhi owo emi mbotde. . . koro mmatua mkpọfiok koro nkanamde mmọ.”

Ndisañ Ye Abasi

Nte enyin Abasi ekeseke ererimbot onyuuń okutde nte “kpukpru owo ekebiatde usuń mmọ ke isọń,” Abasi ama okut owo kiet emi ọfonde ama ke iso Esie, emi enende onyuuń asañade ye Abasi. Eyen ọwọń-eren ke ufok-nwed, mme owo ekọń ke ebiet iduń mmọ ekeme ndida ikpọń onyuuń edi owo Abasi, edi inaha enye ọduọ ke idomo ndomo ini kiet, koro edieke enye anamde oro, ebuana esie ye Abasi eyebiara. Ekpri idiok-nkọ kiet adianare enye ọkpọń Abasi.

Abasi ama etiń ọno Noah ete: “Utit kpukpru obuk owo emedi ke iso mi; koro oto mmọ afai ọyọhọ ke isọń, ndien, sese, ami mmọń nsobo mmọ ye isọń.” “Edi Noah okut mfon ke iso Jehovah.” Mmọ emi esañade ye Abasi ke ererimbot emi, emi esit mmọ ọfonde ama ke iso Abasi, inyeneke ndifehe nsobo emi edisimde mme anam idiok. Ke ukpẹp-nkọ ini iso nnyin iyekpẹp ite ke ema ebiet Sodom ye Gomorrah. Abasi ama afak ndinen owo ikonyuuń isoboke mmọ ye mme anam ukwań-nkọ.

Ema Ekpeme

Ke ikań emi akadade itie ke obio San Francisco, ke California, ekpri ini emi ebete, eka emi akamade Abasi ye ekpri eyen isua ita esie ema eto ekpri usuń-ibibene (window) ewọńọ ke ọyọhọ ubet enyọń ita inyuuń idaha unan, ikań, mmọń, mme nsuuń-ikań ikabiatke ubet mmọ. Ke otu mmọ eke eketakde, ediwak ekedi mmọ emi ekesisuuńide eyen ańwan emi enyuuń esuenede enye. Angel Abasi ama ekpeme ekpri eyen Sunday School emi ye eka esie.

Akpanikọ Ye Abiań

Yak nnyin iti ite ke mme nkọ emi edude ke emi eyebe efep. Mme nkọ emi itukde ke nnuen-ubok nnyin, emi ikutde ke enyin, inyuuń ikopde ke utọń ekeme nditie nte edi akpanikọ ye ata akpan nkọ, uwem eke edidide ekeme nditie nte oyom usuń akaha inyuuń idighe akpanikọ. Edi ke nditim ntiń idighe ntre. Yak nnyin ikudi nnan ke abañ ini iso. Edieke odotde, eyak nnyin idi nnan ke abañ mme nkọ emi ekande nnyin ekuk inyuuń iyak ofuri ekikere nnyin isin ke Abasi. Eyak nnyin ikere ibañ Obio Abasi ye mme nsinsi nkọ emi ebete nnyin do. Ekeme ndidi ọkpọsọń nkọ, ke ufot utom nnyin ye mbre ndimum ata akpan nkọ nkama ke esit nnyin, oro edi ndisań ye Abasi. Ke ini eka ọkpọńde eyen esie usen kiet mme iba, mme eyen eka ańwan ye eyen eka eren ekpọńde kiet eken, mme owo ima adianarede ọkpọń ufan esie, mmọ ekere ebań kiet eken ndusuk tọsin ini ke usen kiet. Ikafań ke nnyin isikere ibañ Abasi ke usen?

Ubierikpe Ekpere

Jesus ọkọdọhọ ete: “Nte mme usen Noah ekedide, kpasuk ntre ke eridi Eyen owo eyeńyuuń edi” (Matthew 24:37). Ererimbot osuk etie nte eketiede ke mme eyo Noah. Nte itiehe nte Abasi ke esese isọń mme eyekut edinen owo kiet emi ọfonde ama, edide eren, nwan, eyen ọwọń eren, eyen ọwọń ańwan, mi, ye ko, ke otu anana ibat mme anam-idiok? Ke idut nnyin mi, imenyene Nwed Abasi, mme ufok Abasi, mme ọkwọrọ-ikọ Abasi ye mme andikpẹp emi ekemede ndiwut mme owo usuń erinyańa. Edi ata ekpri ibat nditọ nwoń mme ikọ owo ifań edu emi “efonde ema ke iso Abasi.” Spirit Abasi anam akpanikọ ye kpukpru owo; onyuuń okot ke inua-otop esit; edi ke mme owo esinde mbom Esie ebighi, Enye ọdọń ubierikpe Esie ọno mmọ onyuuń esibe mmọ efep ke idiok-nkọ mmọ. Enye eyesọp ndidọń ubierikpe Esie nno kpukpru mme anam idiok. “Spirit mi idińwanake ye owo ke nsinsi.”

MME MBUME

- 1 Ewe ubon iba emi eketode Adam ekeka iso nditot ke iso ison?
- 2 Mme anie ekedi mme ete Noah emi ekefiokde Abasi?
- 3 Didie ke Noah ekebiet Enoch?
- 4 Didie ke ererimbot eyo mfin ebiet eke eyo Noah?
- 5 Nso idorenyin okodu ono Noah?
- 6 Nte afo ekere ete Abasi eyesobo ndinen owo ye mme anam idiok otot kiet ke ini Enye odonde ubierikpe ke ererimbot?
- 7 No uwut-nkpoto ita ke abana mbom Abasi ye mmoto eke ebakde Enye.
- 8 Nso idi mme "idionoto" emi nnyin inyenede ke abana edisoto ndi Jesus?